



Ciorclán SNA 15/05

**Chuig: Údaráis Bhainistíochta Bhunscoileanna**

## **Conradh Fostaíochta do Chúntóirí Riachtanas Speisialta**

Táim faoi threoir ag an Aire Oideachais agus Eolaíochta a chur in iúl duit go bhfuil comhaontú déanta ar shocruithe athbhreithnithe maidir le téarmaí agus coinníollacha Chúntóirí Riachtanas Speisialta ag bunleibhéal, tar éis plé a bheith déanta ag leibhéal náisiúnta.

Maidir leis sin faigh leis seo le do thoil conradh fostaíochta athbhreithnithe ba chóir a thairiscint do gach Cúntóir Riachtanas Speisialta a fhostaíonn do scoil agus a ndéanann an Roinn Oideachais agus Eolaíochta maoiniú ar a p(h)ost. Is féidir tuilleadh cóipeanna den chonradh a íoslódáil ó láithreán gréasáin na Roinne ag [www.education.ie](http://www.education.ie) faoi **Foireann Scoile/Cúntóirí um Riachtanas Speisialta**. Ba chóir don údarás bainistíochta an conradh bunaidh sínithe a choinneáil sa scoil, agus cóip a thabhairt don Chúntóir Riachtanas Speisialta.

### Ceapacháin Nua

Áirítear sa chonradh athbhreithnithe go mbaineann na poist Cúntóirí Riachtanas Speisialta nua go léir le Riachtanas speisialta dalta amháin nó níos mó a bhfuil na poist faofa ina leith, agus go bhféadfaidh an scoil iad a úsáid le haire ar Riachtanas na ndaltaí sin agus ar dhualgais an phoist. **Ba chóir deireadh a chur leis an gcleachtas conarthaí a bhaineann le leanbh faoi leith a eisiúint, le héifeacht láithreach.**

### Foireann atá ann cheana

Ba chóir an rogha a thabhairt do Chúntóirí Riachtanas Speisialta atá i seirbhís ar chonarthaí a bhaineann le leanbh faoi leith agus a mbeidh a c(h)uid fostaíochta ag leanúint don chéad scoilbhliain eile aistriú chuig an gconradh athbhreithnithe nó fanacht leis an gconradh ar a bhfuil siad faoi láthair. **Is rogha aon uaire é an rogha aistriú chuig an gconradh athbhreithnithe agus caithfear é a dhéanamh an 30ú Meán Fómhair 2005 nó roimhe sin.** Cuirfead seirbhís cheadaithe mar Chúntóirí Riachtanas Speisialta sa scoil san áireamh chun críche sinsearachta ó thaobh na gCúntóirí Riachtanas Speisialta sin a roghníonn aistriú chuig an gconradh athbhreithnithe. Fanfaidh na Cúntóirí Riachtanas Speisialta sin nach mbainfidh úsáid as a rogha roimh an 30ú Meán Fómhair 2005 nó roimhe ar an gconradh a bhaineann le leanbh

faoi leith agus leanfaidh a bhfostaíocht sa todhchaí ag brath ar Riachtanas measta an linbh atá sonraithe sa chonradh.

#### Athbhreithniú ar leithroinnt

Déanfar athbhreithniú ar leithroinnt post cúntóirí Riachtanas speisialta ar do scoil ar bhonn bliantúil. D'fhéadfaí fostaíocht Chúntóirí Riachtanas Speisialta a laghdú ó bhonn lánaimseartha go páirtaimseartha nó deireadh a chur léi trí iomarcaíocht sa chás go laghdófar an leithroinnt. Bunófar na critéir roghnúcháin d'iomarcaíocht ar bhonn 'ar deireadh ag teacht ar dtús ag imeacht' (LIFO) de réir an chomhaontaithe a rinneadh le hionadaithe an ghráid atá i gceist faoi réir na socruithe conartha atá i bhfeidhm cheana sa scoil. Ciallaíonn sé sin, i gcás iomarcaíochta, mura bhfuil conradh scríofa a bhaineann le leanbh faoi leith ag an CRS is sóisirí sa scoil a thugann teidlíocht di/dó fanacht sa scoil, ba chóir deireadh a chur lena c(h)onradh ar an mbunús gurb é/í an CRS is sóisirí sa scoil é/í i dtéarmaí fad seirbhíse.

Iarrtar ar údaráis bhainistíochta a chinntiú go dtugtar an ciorclán seo ar aird gach Cúntóir Riachtanas Speisialta, iad siúd atá ar shaoire máithreachais, ar shaoire breoiteachta, etc. san áireamh.

P. Maloney,  
Ard-Oifigeach.  
Lúnasa 2005.

[Cúntóirí Riachtanais Speisialta \(Bunoideachas\)](#)